



Informacion general di e condicionnan

Pa haci un peticion ta uza e formulario di peticion, cu ta obtenibel na Departamento di Salud Publico, Seccion Cuido di Nos Grandinan.

E formulario pa haci peticion ta obtenibel tambe online riba website di Departamento di Salud Publico
www.despa.aw

Pa e casnan di cuido cu tabata existi caba prome cu dia 1 di augustus 2016, e peticion pa permiso mester ta entrega prome cu dia 1 di februari 2017 na Departamento di Salud Publico, Seccion Cuido di Nos Grandinan, situa na Oduberstraat #2, Oranjestad.



Informacion di e procedura

1. Ta yena e formulario di peticion completamente y entrega esaki cu tur documento corespondiente na Seccion Cuido di Nos Grandinan.
2. Seccion Cuido di Nos Grandinan ta controla si e peticion ta yena debidamente y ta duna un ricibo como comprobante. For di e momento ey e peticion ta den e procedura pa keda trata.
3. Parti di e proceso ta encera control di diferente instancia gubernamental, manera Polis, Brandweer y Dienst Warenkeuring en Hygiene di Departamento di Salud Publico.
4. E proceso, desde cu a ricibi e peticion te na e Decision Ministerial, ta dura no mas cu 12 siman, esta 60 dia di trabou.
5. Den e permiso, cu ta un Decision Ministerial, otorga pa Seccion Cuido di Nos Grandinan ta stipula entrante ki fecha explotacion di e cas di cuido por tuma luga.
6. E cas di cuido lo tin pues e status di ta 'registra'.

E siguiente documentonan mester keda entrega hunto cu e formulario di peticion:

- Pa tur empleado un copia di papel di inscripcion den registro civil** (no mas bieu cu 3 luna, obtenibel na CENSO), si ta aplicabel **un copia di permiso di estadia y di trabou y copia di un identificacion valido (ID).**
- Pa tur empleado un Declaracion di Salud valido** (obtenibel na Departamento di Salud Publico, Seccion di Malesanan Contagioso).
- Pa tur empleado y miembronan di directiva un declaracion di bon conducta** (otorga segun Ordenansa Nacional riba documentacion huridico y riba e declaracion pa loke ta trata comportacion AB1989noGT83). Obtenibel na Ministerio Publico despues di entrega un papel di inscripcion den registro civil y presentando un identificacion of paspoort valido.
- Copia di Statuut (NV, VBA, Fundacion, Asociacion)**
Obtenibel na oficina di Notario y/of Camera di Comercio.
- Un mapa pinta segun scala 1:100 cu descripcion di ubicacion y riparticion di e parcela**
Obtenibel na DOW (Dienst Openbare Werken)
- Copia di e polisa di seguro contra candela y di responsabilidad civil.** Obtenibel na e compania di seguro en cuestion.
- Un plan di maneho manera stipula den articulo 14, inciso 1.**
Ehempel di un plan di maneho ta obtenibel na Seccion Cuido di Nos Grandinan.

Instancia/Organisacion

Camera di Comercio (Kamer van Koophandel)
Irausquin Blvd 10, Aruba
Tel: 582 1566

Censo (Dienst Burgerlijke Stand en Bevolkingsregister)
Schoolstraat 2
Tel: 5223676

Departamento di Salud Publico (Directie Volksgezondheid)
Caya Ing. Roland Lacle 4, Oranjestad
Tel: 5224200 Fax 5826436

Seccion di Malesanan Contagioso (Dienst Besmettelijke Ziekten)
Avicenastraat 1, Oranjestad

Seccion Cuido di Nos Grandinan (Dienst Ouderenzorg)
Oduberstraat 2, Oranjestad

DOW (Dienst Openbare Werken)
Sabana Blanco 68
Tel: 528 4700

Ministerio Publico (Openbaar Ministerie)
Havenstraat 2, Oranjestad, Aruba
Tel: 521 4100



Departamento di Salud Publico

Vision

Un comunidad saludabel cu tin un sentido di responsabilidad pa su propio salud.

Mision

Promove salud y bienestar fisico, mental y social, preveni malesa, lesion y handicap, percura pa e condicionannan esencial pa crea un ambiente den cual comunidad completo di Aruba por hiba un bida saludabel.

Apreciabel lector,

Den e foyeto aki ta haya informacion tocante kico mester tene na dje ora ta planea pa cuminsa un cas di cuida pa hende grandi.

E aspiracion di Ministerio di Salud, Cuido di Nos Grandinan y Deporte actual ta pa ofrece na e poblacion di Aruba un cuida di calidad halto di esnan cu ta den un cas di cuida pa hende grandi.

Den e cuadro aki dia 1 di augustus 2016 e Ordenansa Nacional Cas di Cuida 2015 no.61 a bay na vigor. Un ley cu ta stipula tur locual mester cumpli cu ne ora ta cuminsa un cas di cuida pa hende grandi.

E foyeto aki ta ofrece un compilacion practico di tur documento cu mester keda entrega ora ta trata un peticion nobo pa permiso y na unda por obtene esakinan. E ta ofrece tambe un descripcion di e procedura despues cu a entrega e peticion na Departamento di Salud Publico, Seccion Cuido di Nos Grandinan.

Seccion Cuido di Nos Grandinan
Departamento di Salud Publico Aruba



Pa mas informacion:

Seccion Cuido di Nos Grandinan

Oduberstraat 2, Oranjestad



Un bista general di e condicionnan
pa haya un permiso segun
Ordenansa Nacional Cas di Cuido
(AB 2015 no. 61)



Departamento di Salud Publico Aruba

Caya Ing. R. H. Lacle #4

Tel 5224200 Fax 5826436



Departamento di Salud Publico
Seccion Cuido di Nos Grandinan

